

# 命令

## 大總統命令

一除巡警照常站崗消防隊更須準備一切今夜全城梭巡防範盜賊等事統責成毅軍辦理  
二三鎮各營暨洪統領所部今夜均令休息  
三今夜如有意外警告三鎮及洪營聽候命令遵行不得擅自出入  
四如有不法匪徒晝夜擾亂治安即行格殺



## 布告

新舉臨時大總統袁 布告京師市民

昨夕第三鎮炮輻兩營因事譁亂哨兵附之土匪繼之縱火鳴槍全市震驚損失鉅萬查兵丁原以彈壓地面保衛治安不意有此結果乃與初心相反此雖由該兵丁等誤會謠傳不能恪守紀律實由鄙人鎮撫無術未能先事防維之所致鄙人甫受國民委託膺此重大仔肩誠欲竭區區之愚爲同胞稍謀幸福乃新任未履而愆咎先叢利國之政無聞病民之事已見撫衷自問負疚良多嗣後益當振刷精神妥爲布置一面嚴申軍紀鎮壓亂萌務竭心力所能爲以無負國民付託之重至此次商民損失已飭詳細查明籌給撫恤所願全市商民仍各照常營業安堵勿驚共鑒鄙忱力維大局有厚望焉特此布告



# 電報

武昌黎副總統宋卿來電 陽歷二月二十八日即壬子正月十一日

袁大總統中國建設會南京孫大總統參議院參謀團各部總長各省制台撫台各省都督各司令官各報館公鑒 清帝遜位已經浹旬組織政府瞬不容緩徒以首都地點南北爭持遷延未決人心皇皇危險萬狀夫欲爲民國籌統一規久遠則臨時政府自應以地形險要交通便利能窺全國樞紐者爲適當之地點居中馭遠莫若武昌有識者類能言之第值此新陳代謝情誼未孚陝疆有戰雲未靖之憂滿清有死灰復燃之慮蒙藏諸邊尤爲岌岌倘非假因利乘便之勢從容坐鎮必不能維持秩序控制中邊稍一疏虞將至人心搖動鄰邦干涉內憂外患迭起叢生言念及此深爲憂灼南中參議院諸公力持建都金陵之議原欲改絃更張從新締造宅心未嘗不美然統籌大勢默相輿情兩害相權必擇其輕兩利相權必擇其重此中關係屢詳各省函電中無庸贅述且即舍北京而論建業偏安究不若武昌形勝考諸往史利害昭然然且以時勢所迫猶不得不力圖治安勉求讓步若參議院諸公必欲膠執成見事久變生誠恐以一時未審之謀貽全國無窮之禍倘使後人追原罪首悔將何及諒熱心愛國者當不出此竊謂爲暫時權宜之計必須規定燕京藉消隱患將來宅中建國仍在武昌既足滌三百年舊染之污亦可闢億萬世奠安之局折衷定策莫此爲宜如蒙允許即請從速組織臨時政府規畫一切一面仍開闢武漢建築新都洪雖不敏願董其成俟新都告成之日卽爲總

陽歷三月初二日即壬子正月十四日

統移駐之時勝朝反側已就範圍民國感情亦孚一致邱治之隆胥操左券豈惟我北方父老  
星相仰望當亦我南中諸公所樂爲贊成也洪雖籍隸楚北忝執鞭弭爲天下先特以事機急  
迫稍縱卽逝失此不言禍患立見審時立論概秉大公既不敢挾權利之心以便私圖亦不忍  
存畛域之見以貽大詬皇天后土實鑒此心臨穎盼覆神與電馳元洪叩沁

## 附錄

齊齊哈爾黑省諮議局請袁大總統定都北京電

陽歷二月二十八日即壬子正月十一日

新共和政府地點宜北不宜南其間利害關繫莊都督電情甚悉吉林馬電天津通電所陳各情亦均切實至當惟我江省地處遠東隱患尤切如政府南移人心必動控御稍弛恐內訌外侮相繼而起是勢有不可南遷者請速決就北以資統繫而定大局爲禱黑局感

馬廠第四鎮全鎮軍官公請袁大總統在北京受任電

陽歷二月二十八日即壬子正月

十一日

頃聞南京派蔡專使諸公到京歡迎大總統赴甯受任後再回北京等因伏思現值共和甫成內政亟待組織各國公使均駐北京交涉事繁刻不容緩且東北人心未定地方秩序均待維持如大總統南行人心易起猜疑必致牽動全局務請大總統即在北京受任俾資鎮懾而奠民心是所切禱第四鎮同叩勘印

徐州江北參謀正長楊桂堂慶賀袁大總統電

陽歷二月二十九日即壬子正月十二日

漢族光復建設共和國家人更新我公衆戴從茲中國幸福締造仰賴一人伏維珍衛精神以副天下中外之望桂堂躬逢景盛欽幸莫名恭電申賀江北參謀正長楊桂堂眞叩印

八旗滿蒙漢參領崇瑞等率同印務章京佐領世爵世職暨弁兵恭請袁大總統速定議

建都北京呈

陽歷三月初二日即壬子正月十四日

爲合詞籲懇事本月二十五日恭奉

諭旨宣布共和並經議訂條件於國民尊崇兩宮之

禮待遇滿漢之方至爲完備且顧念我八旗生計俯允通籌締造精詳端資碩畫大局既定薄海歡騰惟聞我公對於組織臨時政府地點有赴南京之說不勝惶悚竊維北京爲全國中樞政署分布且各國星使駐節其間當此事亂方平胥賴公坐鎮維持以安秩序我八旗全體更仰公如慈母須臾莫可稍離公如遠去江甯誠恐北方士庶驚懼流離我八旗全體亦非參領等所能表率惟望遠觀大局俯順輿情速定議在北京建設臨時政府以策治安是所叩盼廂黃旗滿洲參領崇瑞文煥裕隆春生隆秀增桂松立玉俊果勒敏德貴蒙古參領色楞額恩芳希昌阿恩沼漢軍參領文齡文溥王安成山范一德玉福興裕景恩常福正黃旗滿洲參領瑞剛圖桑阿德斌容陞連貴惠忠崇安郭仁阿明順立泉蒙古參領恩傑聯普祥隆普霖斌敬德齡和成漢軍參領崇山文訓福煊景濤廣惠黃普崇禧穆特布長春忠清正白旗滿洲參領明喜復本松鈺松海恒連全瑞塔清阿成福雙璞德續蒙古參領祥祿承福恩煜恆英漢軍參領葆鍾張潤吉榮德駿寶善鍾齡廣成連增聯輝清耀正紅旗滿洲參領崇禧奎兆榮斌文治隆順恩禧松鶴榮泰桂陞全興蒙古參領岳存錫廉慶雲恩祿漢軍參領聯祥毓璋常山景堃玉增巴哈布奎志魁麟奎昌長荃廂紅旗滿洲參領崇保耆慶慶祿祥恩松鑑奎煥塔克慎海寬海瞻鳳明蒙古參領祥禧誠祐禧祿成林漢軍參領金增春麟德匯英奎鄭緒樑豐璞存鑑瑞陞黃裕樑祥瑞鑲白旗滿洲參領瑞存廣祥多華明春存旭倭凌額連永齊斌隆溥常順蒙古

參領巴圖倫泰文衡文惠德勝漢軍參領配俊桐蔭福祥英順海源緒長常瑞慶宗增森文翰  
正藍旗滿洲參領德樂肯連崑惠榮英賢富明阿伊昌阿瑞福恩惠鉄林玉廉蒙古參領崇福  
慶廉崇啟輔臣常久連福全惠恩榮漢軍參領煥瑞李峻德松麟春蔚長澍印魁長陞博健英  
綬致順鑲藍旗滿洲參領榮廉忠順額勒敏文海文瑞松岫連陞斌秀恩榮烏什杭阿蒙古參  
領善志鍾毅景瑞雙全榮錫雙浚漢軍參領瑞廉榮海尙其銘海林德羣劉奎澄玉秀春奎尙  
昌頤景凱等公呈

臨時公報

陽歷三月初二日即壬子正月十四日

十